

黃氏逸書考



卷之五



子史鈎沈

逸書考

戴聖石渠禮論

甘泉黃奭學

鄉請射告主人樂不告者何也戴聖曰請射告主人者賓主俱當射也夫樂主所以樂賓也故不告於主人也

宣帝甘露三年三月黃門侍郎臨

失其名

奏經

曰鄉射合樂大射不何也戴聖曰鄉射至而合樂者質也大射人君之禮儀多故不合樂也聞人通漢曰鄉射合樂者人禮也所以合

和百姓也大射不合樂者諸侯之禮也韋玄
成曰鄉射禮所以合樂者鄉人本無樂故合
樂歲時所以合和百姓以同其意也

後漢書
禮儀志

注引
此條

至諸侯當有樂傳曰諸侯不釋懸明用

無時也君臣朝廷固當有之矣必須合樂而
後合故不云合樂也時公卿以玄成議是

宗子孤爲殤言孤何也聞人通漢曰孤者師
傳曰因殤而見孤也男二十冠而不爲殤亦
不爲孤故因殤而見之戴聖曰凡爲宗子者

無父乃得爲宗子然爲人後者父雖在得爲
宗子故稱孤聖又問通漢曰因殤而見孤冠
則不爲孤者曲禮曰孤子當室冠衣不純采
此孤而言冠何也對曰孝子未曾忘親有父
母無父母衣服輒異記曰父母在冠衣不純
素父母歿冠衣不純采故言孤言孤者別衣
服也聖又曰則子無父母年且百歲猶稱孤
不斷可乎通漢對曰二十冠而不爲孤父母
之喪年雖老猶稱孤

諸侯之大夫爲天子大夫之臣爲國君服何
戴聖對曰諸侯之大夫爲天子當總纓旣葬
除之以時接見於天子故旣葬除之大夫之
臣無接見之義不當爲國君也聞人通漢對
曰大夫之臣陪臣也未聞其爲國君也又問
庶人尙有服大夫臣食祿反無服何也聞人
通漢對曰記云仕於家出鄉不與士齒是庶
人在官也當從庶人之爲國君三月服制曰
從庶人服是也又問曰諸侯大夫以時接見

天子故服今諸侯大夫臣亦有時接見於諸侯不聖對曰諸侯大夫臣無接見諸侯義諸侯有時使臣奉賀乃非常也不得爲接見至於大夫有年獻於君君不見亦非接見也侍郎臣臨待詔聞人通漢等皆以爲有接見義聞人通漢問云記曰君赴於他國之君曰不祿夫人曰寡小君不祿大夫士或言卒死皆不能明戴聖對曰君死未葬曰不祿旣葬曰薨又問尸服卒者之上服士曰不祿言卒何

也聖又曰夫尸者所以象神也其言卒而不
言不祿者通貴尸之義也通漢對曰尸象神
也故服其服士曰不祿者諱辭也孝子諱死
曰卒

經云大夫之子爲姑姊妹女子子無主沒者
爲大夫命婦者惟子不報何戴聖云惟子不
報者言命婦不得降故以大夫之子爲文惟
子不報者言猶斷周不得申其服也宣帝制
曰爲父母周是也

問父卒母嫁爲之何服蕭太傅云當服周爲
父後則不服韋玄成以爲父歿則母無出義
王者不爲無義制禮若服周則是子貶母也
故不制服也宣帝詔曰婦人不養舅姑不奉
祭祀下不慈子是自絕也故聖人不爲制服
明子無出母之義玄成議是也

問夫死妻稚子幼與之之人子後何服韋玄
成對曰與出妻子同服周或議以爲子無絕
母應三年

大夫在外者三諫不從而去君不絕其祿位
使其嫡子奉其宗廟言長子者重長子也承
宗廟宜以長子爲文蕭太傅曰長子者先祖
之遺體也大夫在外不得親祭故以重者爲
文宣帝制曰以在故言長子

大宗無後族無庶子已有一嫡子當絕父祀
以後大宗不戴聖云大宗不可絕言嫡子不
爲後者不得先庶耳族無庶子則當絕父以
後大宗聞人通漢云大宗有絕子不絕其父

宣帝制曰聖議是也

君子子爲庶母慈已者君子子者貴人之子也爲庶母小功以慈已加也戴聖對曰君子子爲庶母慈已者大夫之嫡妻之子養於貴妾大夫不服賤妾慈已則總服也其不言大夫之子而稱君子子者君子猶大夫也

喪服日久而不葬者唯主喪者不除其餘以麻終月數者除葬則已蕭太傅云以麻終月數者以其未葬除無文節故不變其服爲稍

輕也已除喪服未葬者皆至葬反服庶人爲國君亦如之宣帝制曰會葬服喪衣是也或問蕭太傅久而不葬唯主喪者不除今則或十年不葬主喪者除不答云所謂主喪者獨謂子耳雖過期不葬子義不可以除

爲乳母總以名服也大夫之子有食母問曰大夫降乳母耶聞人通漢對曰乳母所以不降者報義之服故不降也則始封之君及大

夫皆降乳母

並通典

周公祭天用太公爲尸

詩既解疏

周以后稷文武特七廟

王制疏○正義云張融以石渠論證七廟

議郎引更始待詔劉更生等議以爲吉凶不

並瑞災不兼麟爲周亡天下之異則不得爲

爲瑞以應孔子至

禮運疏

豆冠委貌也朝服布上素緇帛帶素韋鞞

後漢

善輿服

志注

真三才圖會

子史鈎沈

逸書考

漢衛宏漢舊儀

甘泉黃頭學

皇帝起居儀宮司馬內百官案籍出入營衛

周廬晝夜誰何殿外門署屬衛尉殿內門署

屬光祿勳黃門鉤盾署屬少府輦動則左右

侍帷幄者稱警車駕則衛官填街騎士塞路

出殿則傳蹕

案文選赭白馬駟引作駕出則傳蹕

注止人清道

案東京賦注赭白馬

建五旗

案漢書揚雄傳賦注引人有行字注引作皇帝輿

動建五色旗

丞相九卿執兵奉引乘輿冠高山冠

漢書卷之九

飛羽之纓案續漢志補注引飛羽作飛月晉書輿服志引此文作漢官儀飛羽

作飛幘耳赤丹紕裏案續漢志補注引裏下有衣字帶七尺

斬蛇劒履虎尾絢履案太平御覽服章部引作豹履諸王歸

國稱從

皇帝六璽皆白玉螭虎紐案唐六典八引作璽紐因避唐諱改

文曰皇帝行璽皇帝之璽皇帝信璽天子行

璽天子之璽天子信璽凡六璽以皇帝行璽

為凡雜以皇帝之璽賜諸侯王書案本作皇帝行璽凡

卦之璽賜諸侯王書續漢志補注引同今從唐六典引改通典職官引此段作漢官儀云

皇帝行璽天子以皇帝信璽發兵案以皇帝三字從唐

之璽賜王侯書六典其徵大臣以天子行璽案續漢志補注引無其字策

引補拜外國事案唐六典引以天子之璽事天地

鬼神案唐六典引以天子信璽皆以武都紫

泥封青布囊案續漢志補注引無布字白素裏兩端無縫

凡一板中約署皇帝帶綬黃地六采不佩璽

璽以金銀縢組案下璽字從續漢志補注引補侍中組負以

從秦以前民皆佩綬以金銀銅犀象爲方寸

璽案金下本有王字從北字書鈔儀飾部太平御覽儀式部引刪各服所好